

Miuhhoih Gvandaeq Gunghcwngz

□ Maj Veiyungz comz hoiz



▲ Vunz dangdieg vih Gvandaeq swiqndang.



▲ Gyoengqvunz ram siengq-baed Gvandaeq byaij gai cunzyouz.

◀ Miuhhoih Gvandaeq hunghoengh nauhyied.



▲ Gyoengqvunz haeuj miuh caeqbaiq Gvandaeq.

Moix bi liggaueq ndwenngux cibngeih, doiq gyoengqvunz Gungh-cwngz Yauzcuz Swciyen ma gangj, caeueq ngoenznaengz cungj mbouj doxdoengz. Ngoenzde, gyoengqde aeu banh aen ciet hunghoengh heuhguh “miuhhoih Gvandaeq” haenx, vunzlai Gunghcwngz、gyoengqhek daj Guengjdoeng、Huznanz daeuj foed-foed, doxcomz Gunghcwngz camgya gij hozdung caeqbaiq、geiqniemh Gvandaeq.

Miuhfoux Gunghcwngz hix heuh Miuhgvandaeq, youq Mingzciuz couh laebbaenz lo. Bouxgun、Bouxcuengh caeueq Yauzcuz Gunghcwngz cungj gungq Gvanyij boux Samguk daih-ciengq mizmingz neix, cwng de guh Goengswngqfoux. Gunghcwngz miz aen cienzgangj ndeu, gangj naeuz bi ndeu mbwnrenx lai, gvaq baenz bak ngoenz cungj mbouj miz saek di fwn, reihnaz cungj renx dwk dek bae, bouxvunz caeueq doenghduz ra raemx gwn cungj gig hoj. Doeklaeng, Goenggvann yienjlingz, doek fwn roengzdaeuq gouq le daihgya. Vihliux gyo’mbaij de, vunzlai Gunghcwngz youq liggaueq ndwenngux cibngeih cungj aeu caeq de, mbaenjgouz bingzan miz fuk.

“Bi ndeu siuj hoh, sam bi daih hoh” dwg gij cienzdoengj Gungh-cwngz miuhhoih Gvandaeq. Siuj hoh duzyou Goenggvann mbouj yungh ok dou, gyoengqvunz hix haeuj ndaw miuh bae siu yieng. Hozdung daih hoh hix lai hoengh lai nauhyied, cawzok gij yizsiz Gvandaeq cunzyouz,

lij miz hei q cienzdoengj biujyienj、gyonghoih Bouxcuengh Majsanh、cai j din venz Yungzsuij、diuzhaw baij gai gijgwn cienzdoengj daengj. Ndwengux cib’it gyanghaet, gyoengqvunz Miuhgvandaeq Lijswvei caeueq geijcib vunz rox goengfou haenx riengz sing bauq goksat haeuj ndaw Gunghhez-dienh bae, sam gvi h gouj baij le couh aeu raemx mbaw makbug cawj haenx ma hawj duzyou Goenggvann swiq ndang. Swiq ndaej le, gyoengqvunz couh siu yieng gvi h baij. Banringzgaq, gyoengqvunz gien ngaenz hawj miuhhoih Gvandaeq haenx couh youq guengjciengz Miuhfoux、Miuhfaenz nda daiz gwnlaeu j, gingqhoh ngoenzseng Goenggvann. Gyanghaemh hix cingj gij heiqduenz ndawbiengz daeuj yienj hei q cienzdoengj. Yaek daengz lingz diemj, gyoengq beksingq dangdieg couh foenfoen daeuj siu yieng hawj Gvandaeq, mbaenjgouz Goenggvann baujyouh.

Ndwengux cibngeih dwg miuhhoih ngoenz cei q hunghoengh ndeu. Gyanghaet caet diemj, gij sing bauq、sing gyong couh yiengj hwnjdaeu j, vunzlai hainduj baijcuengq doxgai q、swiq fwngz siu yieng、goenggingq caencingz bae caeqbaiq、doeg cukfaenz, itheij cuknyienh fwnraemx ndaej yinz、biengz bingz an’ onj. Gyanghaet gouj diemj, doi h goengsae hoh saenz、doi h geizlaisaek liengjiemh、doi h fangeiz baizbenj、doi h gyonglaz、doi h lungzsae daengj 40 aen doi h gyonj guh aen doi h cunzyouz

ndeu, humxhop duzyou Gvandaeq daj Miuhgvandaeq hwnj roen. Vunzlai dangdieg hix youq henz gai dingh gonq haenx nda cibgeij aen daizyieng ma dajcaeq, baij samseng caeueq gak cungj mak, youh nda’nduengq laeuj、youzcaz hawj doi h cunzyouz caeueq bouxhek cimz. Duzyou Gvandaeq moix bae daengz aen diegcaeq ndeu, bouxlaux couh doeg cukfaenz, haen h Gvandaeq cungcig ngeihhei q、simcung mbeilaux, mbaenjgouz ndangcangq、siucawz cainanh daengj. Gvandaeq cunzyouz dwg gij cungdenj miuhhoih Gvandaeq, diuzroen cunzyouz miz 8 goengleix gya, guh baenz sam diemj lai cung, it loh siu yieng cit bauq、foux lungz foux saeceij, ndaw yienh rog yienh miz gyawj fanh boux hekyouz daeuj humxyawj, honghhaw hongghai vunz lai vunz daih、ndaet-ndaet yaenyaen, nauhyied dangqmaz.

Gij ciengzmienh fanh vunz caeqbaiq miuhhoih Gvandaeq Gunghcwngz hawj bouxhek saenqdoengh, de dawz gij vwnzva Gunghcwngz nanaek haenx langhbaij hawj vunzlai yawj, hix hawj vwnzva swngghoz gyoengqvunz Gunghcwngz bienq ndaej engq lai yiengh. Bi 2010, Miuhhoih Gvandaeq Gunghcwngz ndaej senj haeuj buek daihsam swigih gaep feihvuzciz vwnzva yizcanj mingzloeg.



▲ Ndaw miuh hoenz yieng oengq daemx mbwn.



▲ Gwnz gai vunz lai vunz daih.



▲ Vunzlai youq henz gai baij doxgai q cuengqcaeq deq Gvandaeq.



▲ Ngoenz miuhhoih miz lai cungj lai yiengh cietmoeg biujyienj.



▲ Foux lungz foux saeceij ciengzmienh angqyangz.